

असतो मा सद्गमय् ।

तमसो मा ज्योतिर्गमय् ।

मृत्यो मां अमृतंगमय् ।

# म्हारो देस निमाड

निमाडी कविताएँ एवं गीत


मणिमोहन "निमाडी"

— म्हारो देस निमाड़ —

निमाड़ी कविताएँ एवं गीत

— रचयिता —

मणिमोहन “निमाड़ी”



खंडवा

निमाड़ी प्रकाशन

सन् १९७०

मूल्य १ रु. ५० पैसे

प्रकाशक—

# मणिमोहन “निमाड़ी”

कार्यालय, निमाड़ी प्रकाशन डिपार्ट्मन्ट

२६ परदेशीपुरा, खण्डवा. ( म० प्र० )

प्रथमावृत्ति १९७०

टिप्पणी

50 - 60 साल पहले  
किशोर-वय के बालकों के  
नाम के साथ सरनेम नहीं  
लिखा जाता था।

अतः -

मणिमोहन = मणिमोहन चवरे

कलात्मक-प्रारूप-

मणिमोहन “निमाड़ी”

मुद्रक-

माखनलाल माहेश्वरी

फेमस प्रिंटिंग प्रेस गोलबाजार,

खण्डवा. [ म. प्र. ]

# जन्मभूमि को—

तन भी थारो ।

मन भी थारो ।

साथ-मऽ जीवन भी थारो ।

जनम भूमि निमाड़,

म्हारी देह को—

कण-कण तुम्हारो ॥

“निमाड़ी”

“शिमली”

## लेखकीय-मंतव्य

निमाड़ी प्रकाशन की प्रथम भेट “म्हारो देस निमाड़” आपके हाथ में है, स्वीकार कीजिए। यह मेरा सौभाग्य है कि मैं अपनी प्रथम कृति को अपनी नानी ‘भाषा’ ‘निमाड़ी’ में प्रकाशित कर रहा हूँ। शायद ही ऐसा कोई व्यक्ति होगा जिसे अपनी जन्म भूमि और भाषा से लगाव न हो। मुझे गर्व है मैं अपनी निमाड़ी भाषा की साहित्यिक जंजीर में एक छोटी सी कड़ी जोड़ सका हूँ। विगत तीन वर्षों से दक्षिण भारत में रहकर मैंने अनुभव किया कि वहाँ का हर व्यक्ति अपनी भाषा के लिये जान देने को तत्पर है ऐसे क्षेत्र में जहाँ अंग्रेजी का प्रमुख और हिन्दी की स्थिति दयनीय है, अपनी भाषा को संजीव बनाये रखने के लिये मैंने अपने नाम के आगे ‘निमाड़ी’ लगा लिया है। लोगों के पूछे जाने पर मैं गव से कहता हूँ, ‘निमाड़ मेरा देश है और मेरी भाषा है निमाड़ी। वस यहीं से इस पुस्तक की उत्पत्ति हुई।

श्री बाबूलालजी मारकंडेय के शब्द, “हम लोगों में जन्म से ही कला के जन्तु भरे पड़े हैं। लेकिन वे सोये हुए हैं और उन्हें जागृत करना हमारे नवयुवकों का काम है, “मेरे दिल में धर कर गये।

अल्पायु में ही उक्त जन्तुओं के जागृतार्थ उचित मार्ग दर्शन का श्रेय सुभाष हाई स्कूल खण्डवा के

प्राचार्य श्री द्वारकाप्रसादजी जायसवाल तथा मेरे गुरु एवं अग्रज श्री गोपाल प्रसाद साद को है। सबसे पहली निमाड़ी कविता 'एक दिन की हूँ बात बताऊँ' आज से दस बरस पूर्व मैंने ग्यारह साल की उम्र में लिखी थी।

मेरे जीवन पर निमाड़ के सुप्रसिद्ध लेखक श्री रामनारायणजी उपाध्याय के व्यक्तित्व का बहुत प्रभाव पड़ा।

मेरे निमाड़ की चप्पा-चप्पा जमीन का बच्चा बच्चा अपने आप में एक पूरा कलाकार है। निमाड़ी प्रकाशन इस बात की पूरी-पूरी कोशिश करेगा कि अगली बार निमाड़ी के अन्य कवियों की रचनाओं का एक संग्रह काव्य छपे।

भूमिका लेखक श्री गोपाल प्रसाद साद और उन सभी महानुभावों का, जिन्होंने इस पुस्तक के लिये अपने उद्गार लिखे, मैं हृदयाभारी हूँ। साथ ही प्रकाशन में श्री शिवशंकर जी जोशी, अबतार सिंह सिंधू, श्री कमलचन्द मालवीया तथा राजाराम भाई का आभार मानता हूँ।

आपके अलोचनात्मक विचारों का स्वागत है। आशा है मेरा लेखन और प्रकाशन आपके मनोरंजनार्थ सहायक सिद्ध होगा।

कार्यालय

निमाड़ी प्रकाशन

खण्डवा.

मणिमोहन 'निमाड़ी'

# भूमिका

लोक भाषा का साहित्य नाखून से तराशे गये चाँवल की तरह होता है। उसमें अनेकों मनोरम उपमायें एवम् अछूती कल्पनायें संजोई होती हैं। लोक भाषाओं का शब्द कोष इतना समृद्ध रहा है कि उसमें सूक्ष्म से सूक्ष्म भाव को व्यक्त करने के लिये अलग अलग शब्द पाये जाते हैं। लोक भाषायें उन सहायक नदियों की तरह होती हैं जिनसे राष्ट्रभाषा समृद्ध होते आयी है। अपने मनोभावों को व्यक्त करने के लिये निमाड़ी लोकभाषा के पाम मुहावरों से भरी सुन्दर शैली, अलंकारों से सजी भाषा और मौलिकता से युक्त विपुल शब्द सम्पदा रही है।

भाई मणिमोहन न सिर्फ अपने उपनाम से "निमाड़ी" है वरन उन्होंने जो कुछ भी लिखा है। निमाड़ के लोक जीवन से आत्मसात होकर लिखा है। इसी से उनकी रचनाओं में यहाँ की माटी की सोंधी सुगन्ध, प्रकृति का सुन्दर चित्रण एवम् जीवन तथा संस्कृति का सजीव संस्पर्ष अंकित है।

"म्हारो देस निमाड़" आपकी नवीनतम रचनाओं का प्रथम काव्य संग्रह है। इसमें कहीं आप ज्वार, कपास, मुंगफली और तुवर की लटलूम फसल का आनन्द ले सकते हैं कहीं चाँद पर

जाने वाले युग में भी अन्नदाता किसान से नांगर  
हंकालने, बकखर जोतने और फसल के नाम पर  
गरीबी के कांटेदार गोखरू की व्यथा सहते देख सकते हैं ।

इसमें एक और यदि स्थानीय रंगत लिये  
मांडवे की पंगत का सजीव वर्णन है तो दूसरी ओर  
बहती नदी, तैरती नाव के किनारे बसा मामा का  
गाँव सबका मन लुभाने की क्षमता रखता है ।

इस संग्रह में अनेकों ऐसे शब्दों का प्रयोग  
किया गया है जो बोलचाल की भाषा से तो लुप्त  
होते जा रहा है लेकिन लोक-साहित्य की द्रष्टि से जिनका  
अपना सौंदर्य है । जैसे “चंची” कहते ही कटी हुई सुपारी  
और तम्बाकू रखने की कपड़े की थैली का चित्र आँखों  
के सामने तैरने लगता है । “मावटा” कहते ही बे  
मौसम का पानी मन को भिगो जाता है ।

सब मिलाकर पुस्तक अत्यन्त ही सुन्दर बन  
पड़ी है । आशा है इस तरुण कवि के सशक्त काव्य  
संग्रह को सबका स्नेह मिलेगा ।

साहित्य-कुटीर

रामनारायण उपाध्याय

ब्राह्मपुरी खण्डवा ( म. प्र. )

# श्रीमती ललिता शास्त्री का पत्र लेखक के नाम

प्रिय महोदय,

मुझे आपके दिनांक २०-३-७० के पत्र द्वारा जानकारी प्राप्त हुई कि आप स्थानीय भाषा निमाड़ी में “म्हारो देस निमाड़” नामक पुस्तक का प्रकाशन करने जा रहे हैं। मैं इसकी सफलता के लिये अपनी शुभ-कामनाएँ भेजती हूँ।

नई दिल्ली

३०-३-७०

भवदीया

ललिता

( श्रीमती लालबहादुर शास्त्री )



लेखक, श्रीमती ललिता लालबहादुर शास्त्री के साथ उनके निवास स्थान पर, दिल्ली में, निमाड़ी की संस्कृति एवं 'निमाड़ी-प्रकाशन' से अवगत कराते हुए।

# उद्गार

कवि श्री मणिमोहन 'निमाड़ी' निमाड़ के है, वे आजकल दक्षिण भारत में सेवा-रत हैं. निमाड़ से सुदूर रह कर भी वे अपने निमाड़ के घर, आंगन, गांव, गली खेत, खलिहान और अमराई को नहीं भुला पाये है, स्मृतियों के ताने-बाने उनके मन को जैसे मक-मोर देते हैं, और उन्हीं बोलों के संग्रह का नाम है "म्हारो देस निमाड़" काश कि निमाड़ के प्रतिष्ठित जन भी निमाड़ के लोक एवम् जनपदीय साहित्य के सम्बन्ध में कभी कुछ सोचते और निमाड़ की काली मिट्टी की क्यारियों में भूमते इन नव-कुसुमों को प्रोत्साहन देते तो मेरी यह मान्यता है कि निमाड़ का लोक एवम् जनपदीय साहित्य राष्ट्र के किसी भी लोक एवम् जनपदीय साहित्य के समकक्ष ही माना जाता ।

'म्हारो देस निमाड़' निमाड़ के जनपदीय साहित्य का प्रथम कविता संग्रह है। प्रयास अनुकरणीय है।

अपनी समस्त शुभ कामनाओं सहित

अक्षय त्रितिया

बलराम पगारे

संवत् २०२७

हरीगंज, खण्डवा





# रत्नकणी



क्र.

नाम

पृष्ठ संख्या

रचयिता

प्रकाशक

जननी को परम पूज्यनीया "माँ" श्रीमती

सौ. सुशीला देवी के चरणार्विंद में सादर

जन्म भूमि को

प्रकाशकीय

भूमिका

श्री रामनारायण उपाध्याय

शुभ सन्देश

श्रीमती ललिता शास्त्री

उद्गार

श्री बन्नराम पगारे

१ म्हारो देस निमाड

गीत

१

२ मंगलाचरण

गीत

२

३ तन को रोग

गीत

३

४ बैधड़ को पोर्यो

कविता

४

५ मांडवा की पंगत

कविता

५

६ मामाजी को गांव छे

कविता

१०

७ परदेशी बालमा

गीत

१२

८ दिन असाड़ को आयो रे

गीत

१४

९ कवें आओगा तुम

युगल गीत

१६

१० एक दिन की हूँ बात बताऊँ

कविता

१८

११ घत्तो दऽ

कविता

२१

१२ सिरि भगवान

कविता

२४

१३ हात रे भाई रे

कविता

२७

१४	म्हारा अँगणा मऽ सदा सुहागेण	लोरी गीत	२९
१५	बना-१	सहगान	३१
१६	बना-२	सहगान	३३
१७	माता गौरां खऽ आयो संदेश	गरभा गीत	३४
१८	बोती को कस्टो	कविता	३६
१९	असी निमाड़ की छोरी	कविता	३७
२०	चिलड़या	कविता	३९
२१	ग्यारस खोपड़ी	कविता	४०
२२	नमस्कार	गीत	४१
२३	पावणींजी से	गीत	४२
२४	बहादुरी	गीत	४३
२५	मायक्या मऽ ति लगतो जिव	युगल गीत	४४
२६	जिव को जंजाळ	गीत	४६
२७	जै खिचड़ी मैया	आरती	४८
२८	नाँगरू-वखरू नऽ गोखरू	कविता	५०
२९	चाय महिमा	कविता	५३
३०	नानो चिरक्यो	गीत	५५
३१	पिया मिलन की आस	गीत	५६
३२	मोतीचूर का गोळा	गीत	५८
३३	कमळयो	कविता	६१
३४	बहू भानुमती	आरती	६३
३५	दूज को थाँद निकळयो	युगल गीत	६५
३६	राखी को तिवहार छे	कविता	६८
३७	गडबड रामायण	दोहा-चौपाई-छंद	७१

# म्हारो देस निमाड़

सारा जग सी भलो घर बार,  
 असो म्हारो देस निमाड़ ।  
 हो-यहाँ पऽ सोन्ना का घर मऽ-  
 चोँदी का किवाड़ ।  
 असो म्हारो देस निमाड़ ॥

धवळा-धवळा खेत खऽ,  
 कपास सजावऽ ॥

घरऽ घर' गोंगला की-  
 घाणी छोड़ावऽ ।

तोर को भार,  
 भुली भुली आवऽ ।

उड़्या की दावण-  
 खळा मऽ बगळावऽ ।

खेत मऽ जुवार माता,  
 करऽ ओ खिलवाड़ ।

असो म्हारो देस निमाड़ ॥

सासूजी म्हारी माय जणी राखऽ ।

ससरा जी चौका मऽ नजर नि नाखऽ ।

नळंद जेठाणी बड़ी बईण जसी घर मऽ ।

देवर-देराणी बिना चैन नि घर मऽ ।

भोळा स्वामी, अजाण्यो ससरवाड ।

असो म्हारो देस निमाड ॥

फागुण मऽ होळई पर,

फगवा गावऽ ।

चईत मऽ रगुवाई का-

बडवा धुमावऽ ।

पोळा पऽ पून्याजी,

बैल्या दौडावऽ ।

'सिंगाजी' की पुन्योव पर-

जतरोंव भरावऽ ।

उनको लावऽ—

संदेशो असाड ।

असो म्हारो देस निमाड ॥

'गोंगला=मूंगफली के दाने



# तन को रोग

पिया थारी नगरी सी, चिन्ही नि आवती ।

थारा बिना रातऽ-रात नींद नि आवती ।

पिया थारी प्रीतऽ मऽ हुई गई हऊँ पेळई,

लोग कहे तन को रोग रे ॥

हर्यो भरयो अंगणो भी, लगऽ सूनी-सूनी ।

चलऽ ठंडी हवा पिया, दुःख दिन दूणो ।

देखी-देखी आऊँ, हऊँ वाटऽ थारी बजार मऽ

हसणऽ लग्या सारा लोग रे ॥

सखी मसखरी करे मारऽ रे कंकरिया ।

बईणऽ देवऽ गाळई, गोरी भूटा छे सांवरिया ।

लागी रे लगन थारी, सूखी गयो तनऽ-मन,

कसी हऊँ भुलाऊँ थारी याद रे ॥

कोयळ की कड़वी कुहुक लगऽ आज रे ।

लोकऽ-लाज छोड़ी मनऽ थारा लेणऽ राज रे ।

या तो लगई लेओ हमाखऽ गळा सी, या हम-

सरी खऽ लगई लेवाँ आग रे ॥

# बैंधड़ को पोर्यो

बैंधड़ अर्थात् सौतन । सौत के नाम से स्त्रियों में जन्मजात जलन होती है, और सौत का लड़का तो किसी शत्रु से कम नहीं । ऐसा बहुचर्चित है । शायद इन्हीं भावों को लेकर कवि ने निम्न रचना गढ़ी है । [ भू. ले. ]

काई बताऊँ बईण	म्हारो छोरो
कसी सुणाऊँ बईण	म्हारो जायेल
या नि सुणती	लाड़ को बेटो
वो खऽ कयणु	दूध को धायेल
वा नि सुणती	उनका हाथऽ खायेल
तूखऽ कयणु	म्हारा हाथ पायेल
घर की वात नऽ	केतरो सुन्दर
कसी कयणु	केतरो सुकुमार
अपणों सुख-दुख	फुन्दा सैं को
कुण खऽ कयणु	म्हारो होरयो-
औखी कयणु	न, एक छे उ,
आधी कयणु	बैंधड़ को पोर्यो ॥
शुरु सी कयणु	रट्ठ को रट्ठ छे
फिरी से कयणु	लट्ठ को लट्ठ छे
अद्धर सी कयणु	काळई माय को
हेटऽ सी कयणु	काळो पूत छे ।

श्रीखो भूत छे	मांडवा पर लटकेल
जरा नि सुवातो	होय जसो तोर्यो
देख्या डोळो	असो छे बईण
नि-भावतो	बैंधड को पोर्यो ॥
ताळा लगई दे ऊँ	नाक सिकोड़ती
चोरी नऽ खाई ले	मुंडो मरोड़ती
सीका पऽ घरी दे ऊँ	दांत खोरतो
चैढी नऽ खाई ले	डोळा मटकावती
दूध नि दे ऊँ	वाकड़ी चालती
पाणी पी ले	अद्धर देखती
तातो नि दे ऊँ	ठोकर खाती
तो बासोज खाई ले	राम नाव लेती
सीरो नि दे ऊँ	पल्लव खोसती
लाप्सी खाई ले	माथो ढाकती
बाट नि दे ऊँ	गड़बड़ की मांय आई
तो घाट खाई ले	२चंची कड़ मऽ
'उ' नि होय तो	लेकरू धड़ मऽ
पट--पट खाई ले	'बिलूद' वाळई
हाऊँ नि रहूँ तो	काई करज वो
गट-गट पी ले	डोडा बइण खऽ
मामो आवऽ तो	काई कैज वो"
मुळुक मुळुक देखऽ	कयती-कयती
मावसी देखी	बूढो हाड़
पुळुक पुळुक रड़ऽ	डोरूरी की जात
धेला का नाम को नि	भूला पर बठी गई
कौड़ी का काम को	"काई बताऊँ माय

कसी सुणाऊं माथ	बिना सिरका को
बैंधड़ मरी गई	ठंड मऽ सोई जाय
बलाय धरी गई	खाट नि देऊं
उनका पाछऽ	<sup>३</sup> उखडा मऽ सोई जाय
पचण धरी गई	मटेड़ा मऽ दिन भरी
म्हारी छत्ती पर	स गललोटऽ
जळन धरी गई	जसो गास्या का
सबका लेणऽ	हेटऽ को <sup>४</sup> दोर्यो
काळ धरी गई	ओ माय! असो बकज उ,
	बैंधड़ को पोर्यो ॥

<sup>१</sup>हेटऽ=नीचे । <sup>२</sup>चंची = कपड़े की थैली, सुपारी, तम्बाखू की ।

<sup>३</sup>उखंडा = उबड़खाबड़ जगह । <sup>४</sup>दोर्यो = बड़ी दरी ।



## ◀◀ मांडवा की पंगत ▶▶

निमाड़ की मौसर—रूढ़ियों में पंगती का एक अपना विशिष्ट स्थान रहा है। शादी में लड़के वालों की ओर से रुखवट, लड़की के मामा की तरफ से क्वारी, जच्चा के बच्चा वालों की ओर से चौरासी एवं शोक पंगती लाह्येण इत्यादि प्रसिद्ध पंगतियाँ हैं। इनमें से कई पंगते ऐसी हैं जिनके अचसर यदा कदा ही मिल पाते हैं—जैसे रुखवट, चौरासी इत्यादि। यह भी संभव है कि आगे आने वाली तीन पीढ़ियों के बाद पंगत शब्द मात्र कल्पना के और कुछ न रह जाय—जैसे हमारे लिये पांच आने सेर घी। यहाँ कवि ने मंडप की पंगती का एक हास्य चित्र खींचा है। [ भू० ले० ]

धोती सौळया की रंगत छे ।

कळस्या गिलास संगत छे ।

मांडवा की आज पंगत छे ॥

दुल्लव की माय छस छस ।

पोर्या पारई कर से मम्मम ।

चरकी सेव कुरुम कुरुम ।

पापड़ दड़म्—दड़म् ।

मन्दिर मऽ घंटी टनाटन् ।

कळस्या वाजऽ ठनाठन् ।

लड्डू फूटऽ दनादन ।

[८]

इ खाऊँ, उ खाऊँ करऽ मन ।

पातळ दोना की रंगत छे ।

कळस्या गिलास संगत छे ।

मांडवा की आज पंगत छे ॥

नाना का भायजी अल्यांग आओ ।

घर म सी वास की टोपली लाओ ।

टोपली मऽ लड्डू लइ लेओ ।

बाळक नऽ ख जरा-जरा देओ ।

धीं व थोड़ो-थोड़ो सो दी जे ।

हाथ म घेलो सुपारी ली जे ।

ब्रह्मगीर बाळा महाराज की जै ।

गोविन्दा बाळा साहेब की जै ।

पालकी मारणऽ की रंगत छे ।

कळस्या गिलास संगत छे ।

मांडवा की आज पंगत छे ॥

बाळक दाळ-भात फुडकावऽ ।

सुकुलजी लड्डू पऽ हाथ मारऽ ।

गुरूवा बाजा बजाइऽ ।

चिंघाड़-भोंगो अल्लग गगावऽ ।

ठाटी मऽ पूरी लइ आओ ।

वावड़ी भरी कड़ी लइ जाओ ।

स्याक लगई लगई नऽ खाओ ।

एक जण बाई न मऽ जाओ ।

लेकरू बाळ नऽ की रंगत छे ।

कळस्या गिलास संगत छे ।

मांडवा की आज पंगत छे ॥

पयली जल्दी उरक से ।

दूसरी पंगत बढाड़ से ।

दुल्लव कुंकू लगाव से ।

नानो धोती संभाळ से ।

पंचाती गिलास वापिस लेओ ।

जिमणया खऽ सुपारी देओ ।

नमः पारवती पते ।

हर-हर महादेव ।


धरमशाळा मऽ आज रंगत छे ।

कळस्या गिलास संगत छे ।

मांडवा की आज पंगत छे ॥

चिधाड़-भोंगा = लाउड स्पीकर





मामाजी को गाँव छे ।  
 नाव ये को खैगांव छे ॥

खेत खळो नऽ वाड़ी प्यारी,  
 घर अंगणा की शोभा न्यारी ।  
 पिछवाड़ऽ कांदा की क्यारी,  
 'वांदरा नऽ की छे बलिहारी ।  
 पास मऽ वयती नही छे,  
 नही मऽ चलती नाव छे ।  
 मामाजी को गाँव छे ।  
 नाव येको खैगांव छे ॥

ठंड मऽ बाळक गोदड़ी वैड़ऽ,  
 मामी सौंदारऽ घट्टी चैड़ऽ ।

गाय करऽ गौमात्तिर, अरौडऽ,  
वाछरू वो का पाछऽ दौडऽ  
गोबर पूंजो करसे कमदार,  
वाड़ा मऽ गोठाँव छे ।

मामाजी को गाँव छे ।  
नाव ये को खैगांव छे ॥

गाँव मऽ छे मन्दिर गिरधारी,  
मन्दिर मऽ एक बामण पुजारी ।

गौरिशंकर त्रितिलक धारी,  
विठ्ठल रूखमई नाव विहारी ।

कावा फिरऽ सब वारी वारी,  
जहाँ बरात को पड़ाव छे ।

मामाजी को गाँव छे ।  
नाव यो को खैगांव छे

पोरूया लिखऽ नऽ मास्तर वाचऽ,  
काळू दाजी पोथी वाचऽ ।  
गड़बड़ भाई की बयरो काळई,  
सौंदारऽ आवसे फेरी वाळई ।

छीतर भाई की रड़तै साळई,  
फुवाजी को उच्चो नाव छे ।

मामाजी को गाँव छे ।  
नाव येको खैगांव छे ॥

## परदेशी बालमा

कबूतरी-डाक के जमाने में एक दूर का गांव ही विदेश के समान माना जाता था । आमतौर पर यही धारणा है कि, विदेश जाकर आदर्मी अपना रंग बदल लेता है । इस गीत में एक पत्नी अपने विदेश जाने वाले पति से चिन्ती करती है । [ भू. ले. ]

परदेशी म्हारा बालमा,  
तुम जल्दी सी घर आवजो ।  
बूट-सूट-पतलून पियाजी तुम-  
वहाँ सी मत— लावजो ॥

दूर पियाजी देस मऽ तुमखऽ,  
याद हमारी आऽव से ।

बिना तुम्हार रोटी-पाणी-  
हम खऽ कसी भाऽव से ।

हाल-चाल सब वहाँ का हमखऽ,  
चिट्ठी लिखी बतावजो ।

परदेशी म्हारा बालमा,  
तुम जल्दी सी घर आवजो ॥

पूजा करजो तिलक लगाव जो ॥

धरम सी तुम मत हलजो ।

भ्रष्ट विदेशी रस्ता नऽ पर-

[१३]

भूली नऽ भी मत चलजो ।  
पाउडर लाली देखी पियाजी तुम,  
अँखियाँ मती लड़ाव जो ।  
परदेसी म्हारा बालमा,  
तुम जल्दी सी घर आवजो ॥

पढ़ जो लिख जो ध्यान लगई नऽ,  
<sup>१</sup>अँव्वल नम्बर आवजो ।

भणतऽ-भणतऽ थकी जाओ तो-  
जल्दी सी सोई जाजो ।

सिवाय हमारा सपना मऽ भी,  
कोई खऽ मती बुलावजो ।  
परदेसी म्हारा बालमा,

तुम जल्दी सी घर आवजो ॥

काम-काज हम कसा करौंगां,

याद तुम्हारी—आऽव से ।

जत पत करतऽ दिन काटौंगां,

रात खऽ नीद नि आऽव से ।

हम तो देखौंगां वाट तुम्हारी-

हम खऽ मत विसराव जो ।

परदेसी म्हारा बालमा,

तुम जल्दी सी घर आवजो ॥

सासूजी खोब याद करज्गा,

लुगड़ो एक लइ आवजो ।

म्हारा लेण्ड कई नि चायेजे,

तुम वापिस आई जाजो ।

विनती करुँ हउँ, संग विदेसी-

२नार मती लई आवजो ।

परदेसी म्हारा बालमा,

तुम जल्दी सी घर आवजो ॥

२नार = औरत (नारी का अक्षर २)

## दिन असाड़ को आयो रे

रिमफिम-रिमफिम पाणी वरसऽ,

दिन असाड़ को आयो रे ।

ठंडी-ठंडी हवा चलऽ,

कोई याद पिया की लायो रे ॥

भटकी लै नऽ चली पणीहारिण,

पांय मऽ घुंघरू वाजऽ रे ।

हाथ मऽ मंहेदी, डोळा मऽ काजळ,

सरी पऽ साड़ी राजऽ रे ।

पांय उठावऽ खुशी—खुशी,  
वोखऽ देस पिया को भायो रे ।

रिमफिम—रिमफिम . . . .

हिरण—हिरणियाँ, मोर—मोरनी,

ठुमकऽ अपणी ठांव मऽ ।

सुण—ओ—बदली आज वरस जे,

म्हारा पिया का गांव मऽ ।

हरी घरती नऽ इन्द्र धनुष खऽ,

मंगळ—सूत्र बणायो रे ।

रिमफिम—रिमफिम . . . .

नवी—नवी आई नवा देस मऽ,

नवी—नवी ई रात छे ।

नवा पिया छे, नवी प्रीत छे,

नवी—नवी हर बात छे ।

नवी उमर मऽ नवो वरस,

काई नवा—नवा रंग लायो रे ।

रिमफिम—रिमफिम . . . .

ससरवाड़ म्हारो, स्वरग बणी गयो,

मायक्यऽ खवर कराड़ो रे ।

श्रावण मऽ भाई लेणऽ आवजो,

चिट्ठी असी लिखाड़ो रे ।

बीज—बीजई तैयार करो,

अवँ दिन वावणी को आयो रे ।

रिमफिम—रिमफिम . . . .



# कवँ आओगा तुम



इस युगल गीत में कवि ने सगाई के बाद और शादी के पहले वाले समय में दो दिलों को समझा है। उग्र नायिका और धीरोदात्त नायक का एक तुलनात्मक चित्र यहाँ उभर आया है। [ भू० ले० ]

लड़की— कवँ आओगा तुम ।  
डोली लाओगा तुम ।  
कोई तारीख तिथी बताओ रे ।  
म्हारा अंगण मऽ वरात लाओ रे ।

लड़का— येतरी जल्दी मत करो ।  
गोरी धीरज धरो ।  
धारा द्वारऽ घोड़ा पर आऊँगा ।  
सबका सामनऽ लगीणऽ लगाऊँगा ॥

लड़की— तुम तो भूठा पिया ।  
केतरा वायदा किया ।  
हमनऽ कारट-प-कारट लिखाया ।  
तुम मिलनऽ खऽ एक दिन नि आया ॥

लड़का— गंगा माई की कसम ।  
भूठ बोलां नि हम ।  
तुम्हारा कारट तो सब घर मऽ आया ।  
पण भायजी नऽ एक नि बताया ॥

लड़को— चोरी सी चिट्ठी लिखो ।  
 गाँव मऽ आईनऽ मिलो ।  
 तुम खऽ हाल जिया का बताऊँगा ।  
 कसा काट्याज दिन हऊँ सुणाऊँगा ॥

लड़का— म्हारी वाऽतऽ सुणो ।  
 तुम नादान मत बणो ।  
 पूरा सरी पर चाँदी को वजन होयगा ।  
 नहीं तो दुनियाँ वाळा काई कहेगा ॥

लड़की— तुम खऽ दुनिया को डर ।  
 हम खऽ तुम्हारी फिकर ।  
 पिया रीति रिवाज सब छोड़ो ॥  
 आईनऽ जल्दी सी नातो जोड़ो ॥

लड़का— तुम घबराओ मती ।  
 म्हारी ह्यामवती ।  
 बस दुई एक महीना की वात छे ।  
 फिरी जनम भरी को साथ छे ॥



## एक दिन की हूँ बात बताऊँ

राखी के पावन दिन एक मालवी बहन अपने निमाड़ी भाई के लिए राखी बगैरह खरीदने बाजार जाती है। उसी की जुबाँी इस हास्य कविता के माध्यम से अवतरित हुई है। [ भू० ले० ]

एक दिन की हूँ बात बताऊँ,

भैया के घर जाणो थो ।

कुछ उपहार, एक माळा

अरू राखी मखें लाणो थो ॥

एक दूकान में हूँ गई,

वहाँ बठ्यो नन्दीगण भैर्यो थो ।

घूरि घूरि के मखें,

देखे मरिगो ढेर्यो थो ।

समझि गई हूँ देखि के,

ये छे लूटन वाळो ।

सवा आना की आठ पाई ।

जे काई गड़बड़ घोटाळो ।

पाई धेलो की वैडी छे,

ये भेद नहीं मने जाणो थो ॥

अरे भूलि गई सरकार,

वाने टीन को पैसो चलाणों थो ॥

एक दिन की . . . . .

दूसरी दुकान मे हूँ गई,

वो दुकान दार मर्यो काणों थो ।

मुच्छी असी ओ को जसी,

सिंदेण को फड़यो लटकतो थो ।

वो बोल्यो, 'जे रूपयो खोटो,

सौदा मऽ पड़ेगो हमखें 'टोटो ।'

हूँ बोली, 'नहीं लेणु राखी,

सौदा मऽ तू हमखें लूटऽ ।

जा एक दिन थारी ये,

दूसरी आँख भी फूटऽ ।'

काई बात-बात मऽ हुई गयो,

गधो कुम्हार सी स्याणो ॥

एक दिन की . . . . .

ली राखा एक सुन्दर,  
 अन्नऽ ली एक माछा ।  
 अरू प्रसाद का वाटऽ मने,  
 लिया चिरौंजी दाणा ।  
 घर गई, भैया खऽ टीको लगायो,  
 भाई-बहिन को प्रेम बढ़ायो ॥  
 भैया ने दी घड़ी, अरी !  
 बो भैयो म्यारो स्याणो थो ॥

एक दिन की.....



पुरानी केन्द्रीय निमाड़ी में,  
 'द' की महाप्राण ध्वनि 'ध'  
 उच्चरित हो ती है। ( जैसे -  
 'दाड़की' को 'धाड़की' )  
 यहाँ - 'दत्तो द', को 'धत्तो द'

# धत्तो दऽ

जेष्ठ माह की अमावस्या को डोड वऽई अमावस्या कहते हैं। अर्थात् वर्षा की वह शुरुआत जब मेंढकों को आवाज आती है। डोड शब्द टोड अर्थात् मेंढक का अपभ्रंश है। इस दिन गांव के लड़के किसी एक को मेंढक बना कर धत्ता मांगते हैं। वे भगवान इन्द्र से अपेक्षा करते हैं कि पानी खूब बरसे।

[४. ले.]

धत्तो दऽ माय धत्तो दऽ ।

धत्तो दऽ नऽ टुलई भरी दऽ ॥

टुलई मऽ नि होय तो-

टोपला मऽ सी दऽ ।

टोपली मऽ नि होय तो-

<sup>१</sup>उतरुण मऽ सी दऽ ।

उतरुण मऽ नि होय तो-

काठी मऽ सी दऽ ।

काठी छाबेल होय तो-

<sup>२</sup>सैणों फोड़ी दऽ ।

<sup>१</sup>उतरुण=कोठी, कनस्तर, डिब्बे इत्यादि ।

<sup>२</sup>सैणों=बड़ी कोठियों का नीचे का छोटा ढक्कन ।

घत्तो दऽ माय घत्तो दऽ ।

घत्तो दऽ नऽ टुलई भरी दऽ ॥

पाणी पड़से खेत मऽ ।

भुट्टा ऊंगसे रेत मऽ ।

जुवार <sup>३</sup>अकरा से <sup>४</sup>ढाळणी आवसे ।

ढाळणी हुई भट्ट काटणी आवसे ।

गाड़ी नऽ सी भुट्टा खळा मऽ ।

लेकह रहसे खोळा मऽ ।

कमदार जुवार की <sup>५</sup>दावणी करसे ।

दावणी हुई भट्ट <sup>६</sup>घावणी करसे ।

बारह माणी दाणा आवसे ।

<sup>७</sup>कणंगा मऽ सी पस भरी दऽ ।

घत्तो दऽ माय घत्तो दऽ ।

घत्तो दऽ नऽ टुलई भरी दऽ ॥

<sup>३</sup>अकरासे = पकेगी ।

<sup>४</sup>ढाळणी = जुवार को जड़ से काटकर गिराना ।

<sup>५</sup>दावणी = भुट्टों पर, दाने निकालने के लिये, दैल या रोलर घुमाना ।

<sup>६</sup>घावणी = दावणी, उड़ावनी आदि ।

<sup>७</sup>कणंगा = आवाज भरने की बहुत बड़ी कोठी ।

थारो छोरो बड़ो हुई जासे ।

बड़ो हुयो तो-

भणनऽ जासे ।

भणनऽ नानो काशी जासे ।

भणी लिखी नऽ लाडी लावसे ।

लाडी ताता रोटा दीसे ।

रोटा खाई नऽ हिन्दा दीसे ।

अज्जी कही नऽ मेलऽ ना ।

नात्या घर मऽ खेलऽगा ।

राज करऽगा, पाट करऽगा ।

वैडो घर को काम करऽगा ।

महादेब पऽ गळती धरसे ।

घींव का दिया घर मऽ जळसे ।

दान-धरम-नेक अच तो दऽ ।

धत्तो दऽ माय धत्तो दऽ ।

धत्तो दऽ नऽ टुलई भरी दऽ ।

---

ताता = गरम ।



# सिरी भगवान

जवान लड़के

हिटलर सी उच्ची म्हारी शान ।

मुँडा मऽ गल्लो छब-छब पान ।

कालर उच्ची कुतरा का कान ।

घरम का हाथ बढ़ाओ रे राम ।

है कोई सासू घरमी रे राम ।

म्हारो भी याव कराड़ो रे राम ।

छोरी देणऽ वाळा सिरी भगवान ॥

उम्मीदवार-

कन्ट्रोल खुलो कराड़ींगा हम ।

लेवी बन्द कराड़ींगा हम ।

जगह जगह कुआ खोदाड़ींगा हम ।

घरम का हाथ बढ़ाओ रे राम ।

है कोई जनता घरमी रे राम ।

हमखऽ चुनाव जिताड़ो रे राम ।

वोट देणऽ वाळा सिरी भगवान ॥

## चोर-

काळई रात होय मादों की ।  
 रुडी लगी होय पाणी की ।  
 सूनी होय हवेली सेठानी की ।  
 असो कोई म्होरित बताओ रे राम ।  
 पुलिस बाळा पहेरा पऽ सवता होय राम ।  
 जबरो माल हाथ लगी जाय राम ।  
 सवणऽ वाळा सिरि भगवान ॥

## किरायदार-

बिजळई मकान मऽ लगेत होय ।  
 नळ सी पाणी आव तो होय ।  
 मकान वाळो गांव मऽ रहतो होय ।  
 भाड़ो मकान को नि देवाँ हम ।  
 असो कोई डोकरो मिली जाय राम ।  
 डोळा बतावणां सी चली जाय काम ।  
 असो घर धणी सिरि भगवान ॥

## शदीशुदा-

याव कर्यो म्हारा कूट्या करम ।

बामण भाई का छुट्या धरम ।

१बैरो सुभाव की बड़ी गरम ।

पोर्या-पोरई नऽ सी हऊँ हूरान ।


नानसो गगाय मोठो सुणऽ ति काम ।

पाँच वरस मऽ छव लेकरू रे राम ।

अनऽ, देणऽ वाळा सिरि भगवान ॥



१बैरो = पत्नी





## हात रे भाई रे

सोई जारे नाना सोई जारे <sup>१</sup>ताना,  
<sup>२</sup>गोदण-वाळो आयो आयो जी ।  
 संग मऽ कुतरा लायो जी ।  
 कुतरो को रंग काळो छे ।  
 गांव मऽ फेरी वाळो छे ।  
 नानो सवणऽ वाळो छे ।  
 म्थाऊँ मौँजरी आई रे ।  
 हात रे भाई रे ॥

सोई जारे नाना सोई जारे ताना,  
 बागड़ विल्लो आयोजी ।  
 मुँडा मऽ ऊँदरो लायोजी ।  
 ऊँदरा को रंग काळो छे ।  
 गांव मऽ फेरी वाळो छे ।

<sup>१</sup>ताना = समझदार । <sup>२</sup>गोदण-वाळो = टीका लगाने वाला

[२८]

नानो सबणऽ वाळो छे ।

कान टोचणई आई रे ।

हात रे भाई रे ॥

सोई जारे नाना सोई जारे ताना,

डाकण्यों ढाजी आयो रे ।

चिलिम तम्बाखू लायो रे ।

चिलिम को रंग काळो छे ।

गाँव भऽ फेरी वाळो छे ।

नानो सबणऽ वाळो छे ।

कोल्हा की सासू आई रे ।

हात रे भाई रे ॥



# म्हारा अंगणा मऽ सदा सुहागेण

म्हारा अंगणा मऽ सदा-सुहागेण,

फूल येचीनऽ लावाँगां ।

नानो भाई हिन्दा सबसे,

हिन्दा पऽ फूल बिछावाँगां ॥

<sup>१</sup>होर्या-होर्या आव रे ।

कोयळ गीत सुणाव रे ।

हम गीत सुणी सोई जावाँगां ।

हिन्दा पऽ फूल बिछावाँगां ।

नाना भाई की नींद खऽ लेणऽ,

इन्दर राजा आवगा ।

सात रंग्या घोडा का रथ मऽ,

सैर-सपाटा करी आवगा ॥

उड़न खटोलो लायो रे ।

बदल मऽ लै जाओ रे ।

हम परनिऽ का देस मऽ जावाँगां ।

हिन्दी पऽ फूल बिछावाँगां ॥

रिमझिम-रिमझिम पड़से पाणी,

पोर्या-पारई न्हावगा ।

नाना का भायजी खेत मऽ जासे,

काकड़ी भुट्टा लावऽगा ॥

तापड़ी कोई सिलगाओ रे ।

कोई सेंगळई सेको, खाओ रे ।

हम गुड़ दाळया लै आवॉंगां ।

हिन्दा पऽ फूल बिछावॉंगां ।

रुनुन-भुनुन घुधरा वाजऽ

याव लेणऽ मामाजी आवऽगा ।

अडदा-पडदा की गाड़ी मऽ,

<sup>२</sup>मसरी की गादी लावऽगा ॥

<sup>३</sup>कडछान मऽ तडु बिछाओरे ।

पाणी गडु, मऽ लाओ रे ।

कडु, वईण का <sup>४</sup>ढेह्यो जावॉंगां ।

हिन्दा पऽ फूल बिछावॉंगां ॥

रेशम को भूलो धिरू धिरू दिजो,

गुलचो म्हारो सोई रह्योज ।

छटी माता नऽ ओखऽ खेलायो,

पुत्रुक-पुत्रुक भाई हँसी रह्योज ॥

चाँदोवा तुम आओ रे ।

भाई खऽ भुला भुलाओरे ।

<sup>५</sup>दादुर गीत सुणावॉंगा ।

हिन्दा पऽ फूल बिछावॉंगां ॥

<sup>२</sup>मसरी=मलमल सा कपड़ा ।

<sup>३</sup>कडछान=कमरे और आँगन के बीच की जगह

<sup>४</sup>ढेह्यो=नई दुहान की सख। <sup>५</sup>दादुर=मेन्डक ।

# बना

ब्याह शादी के अवसर पर दूहे की प्रशंसा में गाये जाने वाले गीतों को "बना" कहते हैं। यहाँ एक बना गीत में बारात से लेकर ऐकी-वेकी तक और दूसरे में सिर्फ लाल रंग की महत्ता का, जो कि प्रेम सूचक है, वर्णन किया गया है।

[ भू० ले० ]

आया नवा-नवा वेपी ।

बना परदेशी ।

मंडप की छबी न्यारी छे ॥

याव बनाजी रेल पऽ आया ।

संग वराती लाया ।

वरात मऽ बाजा लाया ।

बाजा की छबी न्यारी छे ॥

रेल सी उतर्या बना गाँव मऽ आया ।

मंदिर जनवासो उतराया ।

जनवासो मन भाया ।

मन्दिर की छबी न्यारी छे ॥

मिळा-मिटी करी याव घर आया ।

अम्बा का तोरण लगाया ।

सासू नऽ पड़छाया ।

मुस्सळ की छबी न्यारी छे ॥

पूजा हुई अन्तर-पट लगाया ।

गोरज लगीण लगाया ।

बनी का मन भाया ।

जोड़ी की छबी न्यारी छे ॥

गोत्र कहा बना चवरी फिराया ।

पंगत मऽ सदर लगाया ।

बना सी परसाया ।

पंगत की छबी न्यारी छे ॥


रात बनाजी याव घर बुलाया ।

सिंगोड़ा का खेल खेलाया ।

बनो खऽ हराया ।

बना की बलिहारी छे ॥





आया रे बना मोती बाळा महेल सी ॥

पागड़ी भी लाल छे, कुरतो भी लाल छे ।  
अबीर का संग बना उड़तो गुलाल छे ।  
मस्तानी चाल छे ।

आया रे बना मोती बाळा महेल सी ॥

जूता भी लाल छे, दुपट्टो भी लाल छे ।  
हाथऽ बनाजी का लाल रुमाल छे ।  
घुंघराळा वाल छे ।


आया रे बना मोती बाळा महेल सी ॥

बाजा भी लाल छे, नऽ घोड़ो भी लाल छे ।  
माथऽ बनाजी का कुंकू भी लाल छे ।  
उच्चो कपाळ छे ।

आया रे बना मोती बाळा महेल सी ॥

पेरावणी लाल छे, वराती भी लाल छे ।  
म्हारा बनाजी की ऊँची मिशाल छे ।  
बनवारीलाल छे ।

आया रे बना मोती बाळा महेल सी ॥



## माता गौरां खऽ आयो संदेश

गरभा निमाड़ का भी राजस्थान से कुछ कम नहीं ॥  
नौ चंदी में तो इसकी छटा देखते ही बनती है । प्रस्तुत  
गरभा लेखक के नाटक भूख में खेला जा चुका है ।

[ भू० ले० ]

माता गौरां खऽ आयो संदेश,

पिया का घर जावौंगां ।

आज दुर्गा देवी रमसे मढ़ी मऽ.

गरभो गावौंगा ॥

हाथ मऽ खनन्-खनन् वाजऽ चूड़ी नऽ,

भैया जी असी लाई दीजो ।

हमरा माथा पऽ बिन्दी गळा मऽ-

<sup>१</sup>वजट्टी, पेराई दिजो ।

हम तो अड़दा-पड़दा की गाड़ी मऽ,

सासरऽ जावौंगां ॥

आज दुर्गा देवी .....

१ वजट्टी = गले का आभूषण ।

[३५]

प्रांय मऽ घुघरी वाळा हऽ खऽ रमऽभोल,

पिताजी तुम लाई दिजो ।

कान मऽ नवा-नवा 'येरिंग' गोळ,

हमखऽ पेराई दिजो ।

हम तो २मसरी की पेरी नऽ साड़ी,

सासरऽ जावोंगां ॥

आज दुर्गा देवी ... ..

हम तो माथो गुथोंगां; ३नरवेल,

माताजी तुम लाई दिजो ।

हमरा गोरा-गोरा हाथ मऽ लाल,

मँहदी रचाई दिजो ।

हमतो काजळ पेरी नऽ सखी देस,

पिया का जावोंगां ॥


आज दुर्गा देवी ... ..

---

२मसरी = रेशमी मलमली कपड़ा ।

३नरवेल = सिर गुथने का सामान नाड़ा, काड़ी,  
बोरा इत्यादि ।





## धोती को कस्टो

आटक माटक दही चटख-

दादा गया दिल्ली,

दिल्ली सी लाया सात कटोरी ।

एक कटोरी फूटी,

दादा की टांग टूटी ।

दादा की लम्बी चूटी ।

आळा अर्धर खूँटी ।

खूँटी मऽ अटकी चूटी ।

दादा झटपट जाग्या रे,

पोर्या-पारई भाग्या रे ।

भागतऽ भागतऽ एक अड़ी गयो,

दादा का मुँडा सी दाँत पड़ी गयो ।


नानो भाई गगायो रे ।

दादा खऽ घुस्सो आयो रे ।

पोर्या नऽ का पाछऽ दादा भाग्या,

मम्माय का हाथ मऽ टोटो उठी गयो ।

दादा की धोती को कस्टी छुटी गयो ॥



असी निमाड़ की छोरी

थोड़ी काळई थोड़ी गोरी ।

असी निमाड़ की छोरी ॥

पोलको पेरऽ ।

घाबरी पेरऽ ।

लाल किनार की-

साड़ी पेरऽ ।

साड़ी की किनार मऽ-

गोटो पेरऽ ।

पन्हो जरा छोटी पेरऽ ।

'लाड़की' लुगड़ो मोटो पेरऽ ।

चार बोट को घुमटो भूलऽ ।

घुमटा भीतर येरिंग भूलऽ ।

गब्बा मऽ सोना की माळा भूलऽ ।

कषाळ हपर कुँकु खुलऽ ।

नानी का मन मऽ सरसों फूलऽ ।

माथा प लट असी भूलऽ ।

जसी टुटनी खाट की दोरी ।

असी निमाड़ की छोरी ॥

चूड़ी पेरऽ ।

चम्पक पेरऽ ।

गोरा हाथ मऽ-

कड़ा पेरऽ ।

दुवई पाँय मऽ-

तोड़ा पेरऽ ।

बढ़ो मठो जूड़ो फोड़ऽ ।

तीन दिन मऽ आईनो तोड़ऽ ।

काळई पेळई माटी लावऽ ।

गडर-सहेली नकल्या गावऽ ।

अपणी-अपणी गरभी लावऽ ।

गनागौर नऽ गरभा गावऽ ।

मिट्ठी-चिट्ठी बात नऽ करऽ--

जसी होय शक्कर की बोरी ।

असी निमाड़ की छोरी ॥

रोटी करऽ ।

पाणी भरऽ ।

ब्रन्हा लई नऽ-

धम-धम चलऽ ।

बड़ी फजर सी-

उड़दया भैदऽ ।

उड़दया होय मट जुवार चैदऽ ।

सौंदारऽ सी मही फेरऽ ।

मही करऽ लोणी निकाळऽ ।

लोणी को उऽ घी तपावऽ ।

चोरी-चोरी गुड़ फकावऽ ।

सासू होय या नळंद जेठाणी-

सब सी लइऽ नऽ करऽ मुजोरी ।

असी निमाड़ की छोरी ॥

## 'ग्यारस खोपड़ी'

अमोस हुआ खऽ ग्यारह दिन ।  
 गड़बड़ भाई की खोपड़ी- ।  
 खोपड़ी मऽ ग्यारस खोपड़ी ।  
 खोपड़ी का ग्यारह टोटा ।  
 टोटा मऽ भुट्टा मोटा ।  
 भुट्टा मऽ टीचो भरी दाणां छे ।  
 दखणी दाजी काणां छे ।  
 डोडा माय-उपास करसे ।  
 पूजा ग्यारस खोपड़ी की करसे ।  
 खोपड़ी मऽ देव सोयेल छे ।  
 खेत मऽ बणां बोयेल छे ।  
 देव नऽ खऽ आज जगाड़ौंगां ।  
 पूजा-पाठ कराड़ंगां ।  
 काको ग्यारह कावा फिरसे ।

काकी चुरमो दाळ भात करसे ।

नन्नु फुलफडी छोडऽगा ।

मंगू भाई बम फोडऽगा ।

डोकरो दाजी हायो रे ।

माय नऽ भोग बणांयो रे ।

माय थकी गई फाळ पटक से ।

दाजी का मुंडा सी राल टपक से ।

नाना की परात मऽ भात नि हाई ।

दादा का मुंडा मऽ दात नि हाई ।

फटपट देव नऽ खऽ भोग लगाओ ।

कुंकू दाणा सी आरती सजाओ ।

बिल्ली, देखी ऊंदरा राजी ।

टिल्ली का एकखारा दाजी ।

अवळया सवळया बोर भाजी ।

उटोरे देव नऽ होणी घंटाळ वाजी ॥



## पावणांजी-से

म्हारी छोरी खऽ दुःख मत दीजो-  
पावणांजी म्हारी छोरी खऽ दुःख मत दीजो ।  
बोका वाटऽ तुम काम करी दीजो ॥

पावणांजी... ..

म्हारी छोरी खऽ देर सी उठनऽ की ह्वाण छे ।  
वो खऽ उठाइजो जवँ <sup>१</sup>उकळऽ <sup>२</sup>अणह्वाँण छे ।  
कदि उठऽ, तुम चाय बणई दीजो ॥

पावणांजी... ..

म्हारी छोरी खऽ बड़ो कायदो काण छे ।  
तावा पाणी सी बोखऽ न्हाबण की <sup>३</sup>ह्वाण छे ।  
बयरो न्हाव से, तुम <sup>४</sup>पूट रगड़ी दीजो ॥

पावणांजी... ..

<sup>१</sup>उकळ = उबले । <sup>२</sup>अणह्वाँण = चाय का गरम पानी ।

<sup>३</sup>ह्वाण = आदत । <sup>४</sup>पूट = पीठ ।

म्हारी छोरी को जरा ठंडो-ठंडो काम छे ।

भायरा-सोयरा देणो जेठाणी को काम छे ।

‘उ’ माथो ईचरऽ, तुम जूँ नऽ देखी दीजो ॥

पावणांजी... ..

रोटी-पाणी करनऽ सासू खऽ भिड़ाव जो ।

उप्पर-टप्पी कामऽ नळंद खऽ लगाव जो ।

लुगई जिमी ले, तुम बासण मांजी दीजो ॥


पावणांजी... ..

सासू खऽ कयजो ते बिस्तर लगाव से ।

ससरा खऽ कयजो कि पंखो हलाव से ।

‘उ’ सवसे तुम पांय दाबी दीजो ॥

पावणांजी... ..



मायक्या मऽ नि  
लगतो जिव

आकाशवाणी इन्दौर से प्रसारित इस गीत में नयी ब्याही दुन्हन, जो कि अपने मायके में है, पति से कहती है कि वे आये और मुझे अपने साथ ले जाय अब मायके में उसका मन नहीं लगता । पति कई तरह से समझाता है और अन्त में विवश होकर यह सच्चाई बता देता है कि, उसके पिताजी नहीं चाहते कि बहू को इन दिनों घर लाया जाय क्योंकि यह कटनी का समय चल रहा है । [ भू० ले० ]

पत्नी- म्हारो धणियर राजा आओ ।

अपनी रणुवाई खऽ ले जाओ ।

म्हारो मायक्या मऽ लगतो नि हाँई अँ जिव ।


पति— नानी मोठी बईण को आवणों ।  
पाणी दस बेड़ा को लावणो ।  
गोरी बुरो हाल थारो ह्याँ हुई जा से ॥

पत्नी— पाणी पन्द्रह बेड़ा लाऊँगा ।  
घर को चुक्तो काम करूँगां ।  
मखई लै चलो तुम संगत अपना ॥

पती— खेत म ढाळणी छे जुवार की ।  
जाणु पड़से तू खऽ धाड़ की ।  
घाम मऽ गोरो रंग थारो काळो पड़ी जासे ॥


पत्नी— <sup>१</sup>धाड़की तुम्हारा संग जाऊँगा ।  
वाड़ी मऽ मोटऽ गेरूँगा ।  
पाणी वाळजोतुम, हाऊँ घर सी रोटा करी लाऊँगा ॥

पती— नळंद जेठाणी काम लगाव से ।  
सासू अल्लक टोळचा मारसे ।  
ससरो दिन भरी तूखऽ कुर-कुर करी नाखऽ से ॥



पत्नी- पांय जेठाणी का दाबूँगा ।  
 सासूजी खऽ हिन्दा देऊँगा ।  
 रोटी ताती-ताती ससराजी की ठाटीं धरूँगा ॥

पति- सच्ची वातऽ काई दपड़ावणुँ ।  
 दादाजी को पड़ऽ कयणुँ ।  
 अवेकर लावता नि वैड़ी खऽ घर अपना ।



## जिव को जंजाळ

रिमझिम-रिमझिय पाणी भायो,  
 जिव को छे जंजाळ रे ।  
 पोर्या-पारई डाबरा मऽ न्हावसे,  
 म्हारा जिव को काळ रे ॥

एक नि सुपणे म्हाशी, माय तूखऽ काई बताऊंगा ।  
 दिन मरो करूँ करपट्टो, संजा पड़ी मसी लगाऊँ ओ ।  
 घर मऽ सी <sup>१</sup>पायगो मऽ नऽ पायगो मऽ सी छान मऽ-  
 भायरा दई दई बरी जाऊ ओ ।

नानसो पाणी डांफळई नाखऽ, भरो भरी थकी जाऊँ ओ ।  
 नत्या खऽ बिलगूँ पून्यो भागऽ, फत्या का निकळया जमाळ रे ॥

पोर्या-पारई.....

एक भागऽ घोया पऽ दूखरो, चूल्हा मऽ कंडा भोकऽ ओ ।  
 तुमरा जवई बाड़ी मऽ जाती ह्य, इनखऽ कूण रोकऽ ओ ।  
 ईशलो बजाइऽ भान मिर दिग, छोटो ठाटी ठोकऽ ओ ।  
 नाथ बाबा पऽ काळयो छुकाइऽ, कुतरा वो पर भुकऽ ओ ।  
 बडो! बडो बज्जात मरीगो पेरौले घुघर माळ रे ॥

पोर्या-पारई .....

<sup>१</sup>पायगो=पशु बाँधने की जगह

ॐ—ॐ— ॐ—ॐ—ॐ—ॐ—ॐ—ॐ—ॐ— ॐ— ॐ  
 ॐ  
 ॐ  
 ॐ  
 ॐ  
 ॐ— ॐ— ॐ— ॐ— ॐ— ॐ— ॐ— ॐ— ॐ— ॐ

## जै खिचड़ी मैया

जै खिचड़ी देवी हो मैया जै घट्टी घेड़ी ।

तुमको निस दिन खावत, दगडू भाई को <sup>१</sup>वैड़ी ॥

ॐ जै खिचड़ी देवी ॥

मूंग की दाळ, मसूर को, तोर खऽ वार लगती ।

कांदा लसुण वघारत, डोकरी माय सर्यो फेरती ॥

ॐ जै खिचड़ी देवी ॥

गरम मसालो कोतमिर, खोब सुगंध करती ।

मधुरो घ्राँच बफाती अंगारा धरी भट चुड़ती ॥

ॐ जै खिचड़ी देवी ॥

<sup>२</sup>नकु-नकु लाड़ी परसती कुन्डो भरी दपड़ावती ।

फुड़को वघारेल चोळो, नानो म्हारी फुड़कावती ॥

ॐ जै खिचड़ी देवी ॥

---

<sup>१</sup>वैड़ी=बहू

<sup>२</sup>नकु-नकु=थोड़ी-थोड़ी

चोळा संग बघारेल खिचडी, जो कोई मर खावे ।

कहत "निमाड़ी" सबसे सीधा सरग पावे =

ॐ जै खिचडी देवी ॥

खिचडी खा, हो कल्याणम्

भारोग्यं सुखं-सम्पदाम्

स्रष्टुओं पर बिनाश आये,

खिचडीयोति बसोऽस्तुते ॥

भापदा हो भरतारम्,

खिचडी खा हो सम्पदाम् ।

लोकः बिलोकः श्री चन्द्रम् पर,

खिचडी तुभ्यं नमामिहं ॥

भूत पलीत पवन लगऽ, खिचडी मंगल रूप ।

सगडी पर भटपट बणऽ, खिचडी भोजन भूप ॥

दुई सर्या बघारेल खिचडी की जै ।



## नाँगरू बखरू नऽ गोखरू

निमाड़ के एक गरीब किसान की सारी जिंदगी इस कविता के कहावत शीर्षक से जानी जा सकती है। कहावत नाँगरू बखरू नऽ गोखरू का अर्थ है किसान अधनंगा रहे, खेत में हल बखर जोते और अन्त में उसके लगे सिर्फ कांटे।

[ भू. ले. ]

लोग चाँद पर जाता हुसे,  
 भसी चरावसे अपणा लेकरू ।  
 किरसाण का तो भाग लिख्याज,  
 नाँगरू बखरू नऽ गोखरू ॥  
 मिरी नऽ वावसाँ--  
 होर्या चरसे ।  
 तोर आऽवसे--  
 पोर्या बरप से ।

१वानी-मोंगर—

खेत मऽ आऽवसे,

आधी सी जादा—

लोग खाई जासे ।

मोट गेरूँगा—

खेत भरासे ।

उड़दूया उड़ावणी,

घर की करसे

धावणी होसे—

चौकी लगसे,

आघऽ-आघ-

२धाड़क्या लै जासे ।

पाणि पड़ऽ कि साल पड़ऽ,

दूणी बीजई मांगसे बोंदरू ।

किरसाण का तो भाग्य लिख्याज,

नाँगरू-वखरू नऽ गोखरू ॥

थोड़ो घणों कई—

१वानी, मोंगर=खाने की मीठी उवार

२धाड़क्या = मजदूर

घर मऽ घरसौं ।  
 बाकी हाय-बाप सी  
 ३गोणों मऽ भरसौं ।  
 सैगल रात—  
 ढांडा कुटसौं,  
 शहरेर मऽ आई नऽ—  
 नाको भरसौं ।  
 औखो दिन—  
 मंडी मऽ फिरसौं ।  
 भूख लगी गुड़-दाळया खौंसा ।  
 थोड़ों चणो तो—  
 अड़त्यो खासे ।  
 बच्यो-कुच्यो-  
 वाणयो लै जासे ।  
 अपणा हाथ मऽ जो कई पड़से,  
 ओका लुगड़ा बुलाइसे जोरु ।  
 किरसाण का तो भाग लिख्याज,  
 नाँगरु वखरु नऽ गोगरु ॥

३गोणों = बैलगाड़ी में अनाज-कपास

भरने का बड़ा भारी थैला ।

## चाय महिमा

मय जय जम जय पूजा पाणी,

जय कुलदेवी माता भाय ।

बड़ी प्रेम भक्ति से हमनऽ,

नाव थारो धर्यो चाय ॥

<sup>१</sup>बड़ी-फजर उभा हुई नऽ हम,

चूल्हा तरफ हम देखाँ जी ।

कदि <sup>२</sup>चरपट मारऽ भाईजी,

हम बड़ी जोर सी रेकाँ जी ॥

चहा को पत्ती दूब नऽ पाणी,

गुड-शक्कर लै लेवाँ ।

<sup>१</sup>बड़ी-फजर=सुबह-सुबह

<sup>२</sup>चरपट=चाँटा

बड़ा प्रेम सी फूक मारी नऽ,

चूल्हा खऽ सिलगई लेबाँ ॥

<sup>३</sup>कोप-रकाबी मऽ धरो नऽ,

वैडी म्हारी पेली जाय ।

बड़ी प्रेम भक्ति सी हमनऽ,

नाव थारो धर्यो चाय ॥

उकळती हंडा मऽ देखी नऽ,

लेकर म्हारा कूदऽ जी ।

पायडो गुवाण मऽ सी रेकऽ,

अनऽ गावडो दीयडो तोड़ऽ जी ॥

सब नण उरकी जाय तवें,

पटलेळ म्हारी आवऽजा ।

वोका वाटऽ की हाऊं पो जाऊं, ते-

धुर-धुर मखऽ देखऽ जी ॥

लडी-पडी ते तीन दिन लग,

बोली नि म्हारा सी नाना की माय ।



चाय की घड़ी भट आई बठी,  
 घोऽ थारो सासू कौंदा खाय ॥  
 चहा को लग्यो चस्को,  
 वैड़ी म्हागी घर घर बठणऽ जाय ।  
 बड़ी प्रेम भक्ति सी हमनऽ,  
 नाव थारो धर्यो चाय ॥



# पिया मिलन की आस

प्रेमी- पाणी रिमऽकिमऽ आवऽ ।  
कोयळ अम्बा पऽ गावऽ ।  
गोरी असा मऽ तू आईजा म्हारा पाऽस रे ।  
आज पिया मिलन की आऽस रे ॥

प्रेमीका- टंडी-टंडी हवा आवऽ ।  
म्हारो पल्लव उड़ावऽ ।  
॥ पिया असा मऽ तू आयी जा म्हारा पाऽस रे ।  
आज पिया मिलन की आस रे ॥

प्रेमी- तड़फी-तड़फी नऽ म्हारी कहानी ।  
जिव भरी कर छे थारी जवाणी ।  
मत तरसावऽ आयी जा ।

गोरो मुखड़ो बतई जा ।

धारा प्यार की गोरी मखऽ प्यास रे ।

आज पिया मिलन की आस रे ॥

प्रेमिका- अपणी मजबूरी कसी हाऊँ बताऊँ ।

पहेरा लगेल छे मिलनऽ कसी आऊँ ।

मत तरसावऽ आयी जा ।

प्रिया खऽ गळा सी लगई जा ।

धारा प्यार की पिया मखऽ प्यास रे ।

आज पिया मिलन की आस रे ॥

प्रेमी- गोरी कुंवार को महिनो छे उम्दा ।

निकळयो सरद पुन्योव को चन्दा ।

चाँदनी रात मऽ आई जा ।

घड़ी भरी वात करी जा ।

मत तड़फावऽ आयी जा गोरी पास रे ।

आज पिया मिलन की आस रे ॥

प्रेमिका- चढ़ती रात अकेली कसी आऊँ ।  
 आगऽ लगी दिल मऽ कसी हाऊँ बुझाऊँ ।  
 चांदनी रात मऽ आयी जा ।  
 घड़ी भरी वात करी जा ।  
 मत तड़फावऽ आयी जा पिया रे ।  
 आज पिया मिलन आऽस रे ॥

## मोतीचुर का गोला

इस हास्य गीत में कवि ने सुन्दरी के कपोलों को  
 मोतीचुर के लड्डू की उपमा दी है । [ भू. ले. ]

गाल मोतीचुर का गोळा ।

मोटा-मोटा थारा डोळा ।

दात, गोरी थारा जसा-

बत्तीस 'सिरगोळा ॥

सुणी लऽ सुणी लऽ ओ <sup>२</sup>बिराणी ।  
 थारा हाथ पांथ छे <sup>३</sup>पिरहाणी ।  
 चाल थारी छे जसी होय-  
 तेलेण की — — घाणी ॥

थारो रूप देखी नऽ राणी ।  
 म्हारा मन मऽ फूटऽ घाणी ।  
 पाव म्हारा संग करीलऽ,  
 भर नऽ लगूँगा—पाणी ॥

थारा बाल कौंदा की जाळई ।  
 मानीजा नार चरावण बाळई ।  
 करऽगा राज तू बणीजा,  
 म्हारी — — घर बाळई ॥

थारी उम्मर छे सोळा ।  
 राणी राजा हम छे भोळा ।  
 चल ओऽ खेत मऽ गोरी,  
 नहाँ ऊँया — — होळा ॥



<sup>२</sup>बिराणी = पराई

<sup>३</sup>पिरहाणी = बैल हकालने की पतली लकड़ी ।





शरद पूर्णिमा की रात गीत गा-गाकर  
गावों में घरों से अनाज इकट्ठा किया जाता  
है और उसे गाव आदि को खिलाया जाता  
है । इसे कमळयो मांगना कहते हैं ।

[ भू० ले० ]

सिंगाजी की पुन्योंव छे ।  
पुन्योंव को ऊँगतो चाँद छे ।  
चाँद सो छोरो थारा घर मऽ ।  
गावड़ी-भसी म्हारा घर मऽ ।  
थारा घर सी कमळयो लीसौं ।  
कमळयो लै नऽ गावड़ी खऽ दीसौं ।  
हम-खऽ जेतरो पुन लगसे,  
ओका मऽ सी आधो तखऽ दिसौं ।

थारो छोरों बैड़ी लाऽव से ।  
 वैड़ी घट्टी भैड़ी लाऽव से ।  
 घट्टी को पुड़ भारी छे ।  
 वैड़ी को पांय भारी छे ।  
 पूरा दिन मऽ छोरों हुसे ।  
 छोरों चाँद को टुकड़ो हुसे ।  
 ठुमुक-ठुमुक भाई नानो घुमसे ।  
 बड़ो हुई नऽ भाई तानो घुमसे ।  
 तानो हुयो भाई वानो घुमसे ।  
 भाई पन्ही नऽ आऽवगा ।  
 नानी लाड़ी लाऽवगा ।  
 नात्या हुसे पोत्या हुसे ।  
 पोत्या घर माय धोत्या हुसे ।  
 धोत्या घर लँगोटया हुसे ।  
 लँगोटया घर फाळक्या हुसे ।  
 घर मऽ बैड़ी की वैड़ी आऽवसे ।  
 हिन्दा भुलजे राज करजे ।  
 खाजे रोज नवा-नवा खाना ।  
 दऽ ओ-माय टुलेक दाणा ।





तुम जागो-जागो भानुमती ।  
पंखो करत है तुम्हरो पति ॥

सासू भी जागी नब्बंद भी जागी,  
जाग्या देवर, जेठानी—सती ।  
चरम डुलावत तुम्हरो पति ॥

तुम जागो-जागो . . . . .

दस बजे की घंटी बजी गई,  
स्कूल जायेगी श्यामवती ।  
अरज करत है तुम्हरो पति ॥

तुम जागो जागो . . . . .

नळंद तुम्हारा लेणऽ फुलका बणावऽ,  
जेठाणी चाँवळ बांसमती ।  
विनती हमारी ठुकराओ मती ॥

तुम जागो जागो . . . . .

सासू दे हिन्दा ससरो दे भायरा,  
पांय दबावत तुम्हरो पति ।  
रत्न जडित मंगल आरती ॥

तुम जागो जागो . . . . .

मानुमती थारो पति राजाराम ।  
ससरो थारो सीताराम ॥  
सीताराम ससरो को नाम ।  
देवर थारो भायराम ॥  
हुकुम 'बजावणों हमरो काम ॥  
चरण तुम्हारा चारों धाम ॥



'बजावणों = मानना, सुनना ।



# दूज को चाँद निकळ्यो

लड़का— गोरी आई जाजे <sup>१</sup>घोया का पार,  
दूज को चाँद निकळ्यो ॥

लड़की— हम घावाँ कसा <sup>२</sup>भोपला मऽ,  
दादाजी को पलंग पड्यो ॥

लड़का— ठंडी-ठंडी चाँदनी, ठंडी-ठंडी रात छे ।  
ठंडी-ठंडी हवा वहे दुई घड़ी की वात छे ।  
लम्बी-लम्बी छे अंबुवा की हार—  
दूज को चाँद निकळ्यो ॥ गोरी .....



<sup>१</sup>घोया=गाँव बाहर

<sup>२</sup>भोपला=दरवाजे के बाहर

लड़की— जिव बड़कऽ महारो ई पहेली मुलाकात छे ।

अकेली कसी आऊ ई काळई-काळई रात छे ।

बाप्रा पास छे ढोरनु को <sup>३</sup>गुवाण-

वहाँ दादाजी को पलंग पड़्यो ॥ हम .....

लड़का— पेरी रमभोळ गोरी छम-छम आबजे ।

साड़ी का साथ मऽ धुमटो मत लाबजे ।

आज सैंया मिलन की रात--

दूज को चाँद निकळ्यो ॥ गोरी ....

लड़की— डोळा मऽ नींद हाँई नि हिरदा मऽ चैन हाँई ।

पहेरा लग्याज वसो अपणी तो न्है नि हाँई ।

अत्याँ पाय खऽ छे खासणऽ को व्हाण ।

वत्याँ दादाजी को पलंग पड़्यो ॥ हम .....


<sup>३</sup>गुवाण=गाय बांधने की जगह

<sup>४</sup>धुमटो=धुँवट

लड़का— हरी-हरी चूड़ी अनऽ लाल-लाल साड़ी ।  
 डोळा मऽ काजळ, जसी नवी-नवी लाड़ी ।  
 आज करो आऽवजे सोळा सिंगार--  
 दूज को चाँद निकळ्यो ॥ गोरो.....

लड़की— मोठा भाई खऽ रात-रात नींद नि आऽवती ।  
 अपणी मुलाकात भाभो खऽ नि भाऽवती ।  
 छोटा भतीजा खऽ चुगली को व्हाण--  
 दादाजी को पलंग पड्यो ॥ हम.....





श्रावण को महिनो आयो,

१म्हावटा की फुहार छे ।

राखी को २तिवहार आई गयो,

भाई लंका का पार छे ॥

आरती बईण सजावऽगा ।

हळदी कुंकू लावऽगा ।

धेला पर कपूर की बट्टी ।

भाई फोड़से नारेळ की नट्टी ।



१म्हावटा = वे मौसमी पानी की हल्की सी झड़ी ।

२तिवहार = त्योहार ।

पाट कळस को सजाव छे ।

राखी को तिवहार छे ।

भाई लंका का पार छे ॥

बईण पेऽर से मग-मग साड़ी ।

'मंगलेश' भाई की छुटसे नाड़ी ।

आरती को नेक देणु पड़से,

लिये बिना 'अलका' बईण अड़से ।

जे का गळा मऽ सोना को हार छे ।

राखी को तिवहार छे ।

भाई लंका का पार छे ॥

नत पेऽगा 'चन्दा' राणी ।

'इन्दर' राजा वरसाव से पाणी ।

नातो भाई हिन्दा भूलऽगा ।

खेत मऽ सरसों खोब फुलऽगा ।

घोथा पऽ आवती नार छे ।

राखी को तिवहार छे ।

भाई लंका पार छे ॥

पैसा को बईण गुड़ लै आवसे ।

भाई खऽ राखी बाँवऽगा ।

नेक मऽ मिलसे रेशमी साड़ी,

ऋट-पट आरती उतारऽगा ।

मोठा भाई को दूर रहैवास छे ।

राखी को तिवहार छे ।

भाई लंका का पार छे ।

